



Векало ЯхІуда яздина кехат

ЯхІуда яздинчу кехато шаш тешархой бу аьллачу харцъехамчашна дувъхал дІахъедар до. ХІара доца кехат *векало Кипас яздинчу шолгІачу кехатах* тера ду. Шен кехатца яздархочо дешархой иракарахІиттабо: «Дала делла долу тешар чІагІдарехъа кыйсам латтабе», – бохуш.

Дешъалхе

1 ¹Дала леррина къобалвинчу Іийсан лено, Якъубан вашас, ЯхІуда Дала тІекхайкхинчу а, Да волчу Далла безачу а, Дала леррина къобалвинчу Іийсас ларбечу а нахе: ²Делан кынхетам а, синпаргІато а, безам а совболийла шуна юкъахъ.

Харцъехамчаш

³Хъоменаш! Вайн массеран а кІелхъардовларх яздан кІорга лаам боллушехъ, шуьга, цкъа массо а ханна Дала Шен нахана делла долу дин чІагІдарехъа кыйсам латтабе аьлла, яздан дезаш хийтира суна, ⁴хІунда аьлча шуна уллохъ хІилланца нисбелла цхъа Іеса нах. Дукха хенахъ дувъйна Делан Йозанашкахъ дІаяздина ду, Дала царна кхел йийр ю аьлла. Вайн Делан маьхза долчу диканыхъ лаьцна болу кхаь харцахъа берзийна цара, шайн маьтгаза лелар бакъдархъама. Ткъа цхъаь бен воцу вайн Хъалдолу а, Веза а Эла, Дала леррина къобалвина Іийса, тІе ца оьцу цара.

⁵Шуна иза хууш делахъ а, шуна дагадаийта лаьа суна, Везачу Эло Мисармахкара Шен халкъ арадаккхар а, амма тІаьхъо халкъана юкъара Шех патешнарш хІаллакбар а. ⁶Иштта шуна дагадан деза, шайн даржана реза ца хилла а, шайн хІусам дІатесна а долу маликаш, гуттаренна а йолчу ханна буржалш а тоьхна, боданехъ латтадо Цо доккхачу къематдийнахъ кхел ярхъама.

⁷Дагахъ латтаде иштта, и маликаш санна, телхина яра Седам а, Іамор а, царна гонахара гІаланаш а. Маьтгаза хІуманаш лелийна йолу а, боьха гІуллакхаш лело лууш йолу а уьш гуттаренна а йогуш йолчу цІеран

^{1:1} Маттай 13:55; Марк 6:3. ^{1:5} Арадаккхар 12:51; Лелар 14:29, 30. ^{1:7} Доладалар 19:1-24.

таIзаран кхелана йитина ю кхечарна масална. ⁸Иштта сатийсаре бевллачу кху наха шайн догIмаш а бехдо, хьаькамаш а ца лору, стигалан сийлаллин бахархой а емалбо. ⁹Мусан докьах лаьцна ша иблисаца къуьйсучу хенахь коьртачу Микаал-малико, Iоттар еш бехке хIума ала а ца даьхьна, иштта аьлла: «Везачу Эло таIзар дойла хьуна». ¹⁰Амма кху наха шайна цахуург емалдо. Шайн амалшка хьаьжжина, шаьш, луьра дийнаташ санна, кхета хIуманаш бахьана долуш цара шаьш хIаллакбо. ¹¹Къа ду церан, хIунда аьлча Кхаиман новкъахула боьлхура уьш, БалиIам санна, кхаьнашка марзбелира уьш, Кхорахь санна, гIевттира уьш, ткъа иза санна, хIаллак а хир бу уьш. ¹²Шун бертан пхьорашкахь цу наха шу юьхьIаьржачу хIиттадо. Эхь ца хеташ, шуьца шуьнехь Iаш бу уьш, амма шайн бен бала хир бац церан. Мохо лело, догIа доцу мархаш ю уьш, стом боцу гуьйренан дитташ ду, шаьш лаьттах орамашца схьадахарна шозза делла долу. ¹³Шайн эхьечу гIуллакхийн чопа тIеяьлла йолу хIордан буьрса тулгIенаш ю уьш, кхерста седарчий ду уьш, гуттар а лаьттачу Iаьржачу боданехь меттиг кечийна долу.

¹⁴Адаман ворхIалгIачу тIаьхьенах волчу ХIаноха а Делера болу хаамбина царах: «Веза Эла ву Шен дагар ца даллал дукха долчу дезачу маликашца вогIуш ¹⁵массарна а кхел ян а, адамашна юкьара Iеса нах цара дина Iеса гIуллакхаш бахьанехь а, Далла духьал аьлла кIоршаме дешнаш бахьанехь а уьш бехке бан а».

¹⁶Цхьана а хIуманна реза а боцуш, шайн вочу лаамашка хьаьжжина а лелаш, хамталлаш еш болу нах бу уьш. Дегала дешнаш ду церан багахь. Шайн аьттонна нахана хьестало уьш.

Лардар а, хьехам бар а

¹⁷Амма аша, хьоменаш, дагахь латтаде вайн Везачу Элан, Дала леррина къобалвинчу Iийсан векалша хир ду аьлларг. ¹⁸Цара бехира шуьга, тIаьхьарчу хенахь богIур бу шайн Iесачу лаамашка хьаьжжина лелаш, кхаьрдаш болу нах. ¹⁹Шу вовшах а къобстуьйтуш, шайн синойн лаамашна тIаьхьабевлла лела нах бу уьш. Цаьрца Делан Са дац. ²⁰Ткъа аша, хьоменаш, шайн уггар дезачу динехь чIагI а луш, Делан Синан гIоьнца доIанаш а деш, ²¹Делан безамехь шаьш Iалашде, вайн Везачу Эло, Дала леррина къобалвинчу Iийсас, Шен къинхетамца Дела волчоьх хедар доцу дахар даларе а хьобжуш.

²²Шеко йолуш болчаьрца къинхетаме хила, ²³вуйш, цIергара схьа а бохуш, кIелхьарбаха, ткъа кхечаьрца, лар а луш, къинхетаме хила, амма церан хьарамчу сино сийсазийна бедар ма еза.

^{1:9} Даниал 10:13, 21; 12:1; Довзийгинарг 12:7; Карлабаьккхинарг 34:6; Закри-ЯхIу 3:2. ^{1:11} Доладалар 4:3-8; Лелар 22:1-35; Лелар 16:1-35. ^{1:14} Доладалар 5:18, 21-24. ^{1:18} 2 Кипин 3:3.

Хасторан доIа

²⁴Шу охьаэгарх лардан а, цIена а долуш, доккхачу хазахетарца Шен сийлаллина хьалха хIотто а ницкъ бу Делан. ²⁵Цхьаь бен воцучу а, вайн Веза Эла волчу, Дала леррина къобалвинчу Iийсагахула вай кIелхьардохучу а Далла сий а, паччахьалла а, ницкъ а, олалла а хуьлийла, азалера дуййна а, хIинца а, абаденналц а. Амин.